

## 72. Tsi Muaj Phooj Ywg Zoo Tshaaj

1. Tsi muaj phooj ywg zoo tshaaj Yesxus  
Leeg ris peb kev txaug kev txhum  
Tseem tso cai rua peb rov lug cuag  
Pav txhua yaam qha pub Vaajtswv  
Caag peb pheej tsi txais kev kaaj sab  
Pheej nyaj quas qeeg txuj kev mob  
Vim yog peb tsi coj txhua tsaav yaam  
Coj lug tso tseg rua Tswv ntuj
2. Yog tas peb pheej raug kev dlaag ntxag  
Los tseem pheej raug kev nyuaj sab  
Peb yuav tsum tsi xob ntau sab yau  
Ca txhua yaam rua Vaajtswv kaav  
Nrhav kuas tau ib tug phooj ywg zoo  
Lug paab peb ris kev txom nyem  
Yesxus paub tej peb ua tsi tau  
Ca le coj lug tso rua Nwg
3. Thaus lub nraa nyaav ua peb tsaug muas  
Thaus raug txuj kev txhawj xeeb yuam  
Yesxus tseem ua peb tug cawm seej  
Peb coj moog tso plhuav rua Nwg  
Tej phooj tej ywg yuav tso peb tseg  
Peb ca le pav qha rua Nwg  
Nwg ob txhais teg yuav puag hlo peb  
Peb txhaj tau lub chaw ca sab